



SLUŽBENI GLASNIK OPĆINE JABLANICA

broj 2/2022.







SADRŽAJ

Red. br.	N A Z I V A K T A	Strana
1.	Odluka o raspisivanju javnog poziva za zakup poljoprivrednog zemljišta u državnom vlasništvu na području Općine Jablanica	5
2.	Odluka o raspodjeli sredstava iz stavke „Transfer za mlade“ Budžeta – Proračuna Općine Jablanica za 2022. godinu	7
3.	Odluka o utvrđivanju javnog interesa za izgradnju dijela 10(20)kV kablovske podzemne veze „TS Grad I-TSGostovišće I“	8
4.	Odluka o utvrđivanju javnog interesa za izgradnju dijela 10(20)kV kablovske podzemne veze „TS Granit I – TS Industrijska zona Šljunkara“	10
5.	Odluka o izmjenama Odluke o komunalnoj naknadi	11
6.	Rješenje o utvrđivanju prava vlasništva	12
7.	Odluka o verifikaciji mandata vijećnika Općinskog vijeća Općine Jablanica	14
8.	Zaključak o usvajanju Izvještaja o radu Općinskog vijeća Jablanica za 2021. godinu	15
9.	Zaključak o usvajanju Izvještaja o radu Komisija OV-a za 2021. godinu	15
10.	Zaključak o usvajanju Incijative vijećnika Čilić Idriza za izgradnju sale za vjenčanja u općini Jablanica	16
11.	Zaključak u vezi zapošljavanja u PS Jablanica	16
12.	Rješenje o privremenom imenovanju predsjednika upravnog odbora JU Muzej „Bitka za ranjenike na Neretvi” Jablanica	17
13.	Odluka o poništenju dijela Javnog oglasa za izbor i imenovanje na poziciju članova školskog i upravnih odbora ustanova kojima je osnivač Općina Jablanica	17
14.	Odluka o raspisivanju Konkursa za imenovanje Općinskog javnog pravobranioca Općine Jablanica	18
15.	Konkurs za imenovanje Općinskog javnog pravobranioca Općine Jablanica	19





Na osnovu člana 51. stav 2. Zakona o poljoprivrednom zemljištu Hercegovačko-neretvanskog kantona („Službene novine HNK“, broj: 8/13 i 9/21) i člana 18. Statuta općine Jablanica („Službeni glasnik Općine Jablanica“, broj: 2/09, 8/16, 2/20), Općinsko vijeće Jablanica na 15. sjednici održanoj dana 28.02.2022. godine, *d o n o s i*

ODLUKU
O RASPISIVANJU JAVNOG POZIVA ZA ZAKUP POLJOPRIVREDNOG ZEMLJIŠTA U
DRŽAVNOM VLASNIŠTVU NA PODRUČJU OPĆINE JABLANICA

I

Raspisuje se Javni poziv za zakup poljoprivrednog zemljišta u vlasništvu države na području općine Jablanica koje je Programom gospodarenja poljoprivrednim zemljištem u državnom vlasništvu za područje općine Jablanica, („Službeni glasnik općine Jablanica“, broj 6/19), predviđeno za zakup.

II

Javni poziv će se provesti za davanje u zakup poljoprivrednog zemljišta u vlasništvu države na području općine Jablanica za sljedeće zemljište:

1. U K.O Risovac zemljište označeno kao k.č. broj 406, ukupne površine 655 m², upisano u PL 96,
2. U K.O Risovac zemljište označeno kao k.č. broj 469, ukupne površine 2332 m², upisano u PL 96,
3. U K.O. Risovac zemljište označeno kao k.č. broj 1736, ukupne površine 826 m², upisano u PL 96,
4. U K.O. Risovac zemljište označeno kao k.č. broj 2032, ukupne površine 3079 m², upisano u PL 96,
5. U K.O. Dobrigošće zemljište označeno kao k.č. broj 410, ukupne površine 1240 m² upisano u PL 65.
6. U K.O. Donja Jablanica zemljište označeno kao k.č. broj 1156, ukupne površine 798 m² upisano u PL 208
7. U K.O. Doljani zemljište označeno kao k.č. broj 1118, ukupne površine 3071 m² upisano u PL 76
8. U K.O. Doljani zemljište označeno kao k.č. broj 3298, ukupne površine 1837 m² upisano u PL 76
9. U K.O. Doljani zemljište označeno kao k.č. broj 1116, ukupne površine 912 m² upisano u PL 76
10. U K.O. Lug zemljište označeno kao k.č. broj 450, ukupne površine 709 m² upisano u PL 231
12. U K.O. Dragan selo zemljište označeno kao k.č. broj 2035, ukupne površine 1606 m² upisano u PL 354
13. U K.O. Mrakovo zemljište označeno kao k.č. broj 764/2, ukupne površine 3331 m² upisano u PL 53
14. U K.O. Mrakovo zemljište označeno kao k.č. broj 765/2, ukupne površine 1144 m² upisano u PL 53.

III

Poljoprivredno zemljište iz tačke II ove Odluke pod rednim brojem 1. daje se u zakup na rok od 5 (pet) godina za proizvodnju povrća i žitarica.

Poljoprivredno zemljište iz tačke II ove Odluke pod rednim brojem 2. daje se u zakup na rok od 5 (pet) godina za proizvodnju ljekovitog bilja.

Poljoprivredno zemljište iz tačke II ove Odluke pod rednim brojem 3. daje se u zakup na rok od 5 (pet) godina za proizvodnju ljekovitog bilja.

Poljoprivredno zemljište iz tačke II ove Odluke pod rednim brojem 4. daje se u zakup na rok od 5 (pet) godina za proizvodnju povrća i žitarica.

Poljoprivredno zemljište iz tačke II ove Odluke pod rednim brojem 5. daje se u zakup na rok od 5 (pet) godina za proizvodnju ljekovitog bilja.

Poljoprivredno zemljište iz tačke II ove Odluke pod rednim brojem 6. daje se u zakup na rok od 10 (deset) godina za podizanje višegodišnjih nasada voća.

Poljoprivredno zemljište iz tačke II ove Odluke pod rednim brojem 7. daje se u zakup na rok od 5 (pet) godina za proizvodnju povrća.

Poljoprivredno zemljište iz tačke II ove Odluke pod rednim brojem 8. daje se u zakup na rok od 10 (deset) godina za podizanje višegodišnjih nasada voća.

Poljoprivredno zemljište iz tačke II ove Odluke pod rednim brojem 9. daje se u zakup na rok od 10 (deset) godina za podizanje višegodišnjih nasada voća

Poljoprivredno zemljište iz tačke II ove Odluke pod rednim brojem 10. daje se u zakup na rok od 5 (pet) godina za proizvodnju povrća.

Poljoprivredno zemljište iz tačke II ove Odluke pod rednim brojem 11. daje se u zakup na rok od 5 (pet) godina za proizvodnju povrća.



Poljoprivredno zemljište iz tačke II ove Odluke pod rednim brojem 12. daje se u zakup na rok od 10 (deset) godina za podizanje višegodišnjih nasada voća.

Poljoprivredno zemljište iz tačke II ove Odluke pod rednim brojem 13. daje se u zakup na rok od 10 (deset) godina za podizanje višegodišnjih nasada voća.

Poljoprivredno zemljište iz tačke II ove Odluke pod rednim brojem 14. daje se u zakup na rok od 10 (deset) godina za podizanje višegodišnjih nasada voća.

IV

Pravo učešća na ovom Javnom pozivu imaju sve pravne i fizičke osobe koje su upisane u Registar poljoprivrednih gazdinstava i klijenata u općini Jablanica.

V

Javni poziv će se provesti prikupljanjem pisanih prijava.

VI

Pravo prvenstva zakupa imaju fizičke i pravne osobe koje se jave na Javni poziv, a već su bili korisnici poljoprivrednog zemljišta u državnoj svojini, kao i korisnici koji imaju ugovore o korištenju poljoprivrednog zemljišta čija pravna valjanost nije potvrđena od strane nadležnog pravobranilaštva, a predmetno zemljište koriste za poljoprivrednu proizvodnju, ukoliko je Programom gospodarenja poljoprivrednim zemljištem u državnoj svojini predviđeno za davanje u zakup, odnosno osobe iz člana 71. stav (8) Zakona o poljoprivrednom zemljištu Hercegovačko-neretvanskog kantona („Službene novine HNK“, broj: 8/13 i 9/21).

Ukoliko se na Javni poziv ne prijave osobe na koje se odnosi prethodna odredba, red prvenstva zakupa se utvrđuje sljedećim redosljedom:

a) pravni sljednik bivšeg korisnika poljoprivrednog zemljišta u društvenom vlasništvu predmetnih čestica koje se daju pod zakup;

b) pravna ili fizička osoba koja je vlasnik sistema za navodnjavanje i odvodnju, ribnjaka ili drugih privrednih objekata koji se nalaze na poljoprivrednom zemljištu koje je predmet zakupa;

c) pravna osoba registrovana za bavljenje poljoprivrednom djelatnošću;

d) nositelj porodičnog poljoprivrednog gazdinstva koji ostvaruje prava iz radnog odnosa radom u poljoprivredi na vlastitom imanju i upisan je u Registar poljoprivrednih gazdinstava, a ima prebivalište na području jedinice lokalne samouprave na čijem teritoriju se nalazi zemljište čije ustupanje putem zakupa je predmet javnog poziva;

e) nositelj porodičnog poljoprivrednog gazdinstva koji ostvaruje prava iz radnog odnosa radom izvan poljoprivrednog gazdinstva, a poljoprivrednu djelatnost obavlja kao dopunsku djelatnost na vlastitom imanju i upisan je u Registar poljoprivrednih gazdinstava i ima prebivalište na području jedinice lokalne samouprave na čijem teritoriju se nalazi zemljište koje je predmet javnog poziva.

Ukoliko bodovanjem navedenih kriterija dva ili više ponuđača dobiju isti broj bodova na istoj katastarskoj čestici pravo prvenstva ima ponuđač koji ponudi najvišu cijenu.

VII

Početna cijena na Javnom pozivu za dugogodišnji zakup poljoprivrednog zemljišta utvrđuje se prema vrijednostima navedenim u članu 6. Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države („Službene novine Federacije BiH“, broj: 78/09), do stupanja na snagu Pravilnika o uslovima, načinu prikupljanja i raspodjele sredstava ostvarenih od korištenja poljoprivrednog zemljišta u Hercegovačko-neretvanskom kantonu i to za:

- Zemljište iz tačke II pod rednim brojem 1., 2., 3., 4., 5., 6., 7., 8., 9., 10., 11., 12., 13. i 14 iznosi 100,00 KM po ha godišnje.

VIII

Ugovor o zakupu poljoprivrednog zemljišta, na osnovu provedenog Javnog poziva utvrđenog ovom Odlukom, kao i odluke Općinskog vijeća Jablanica o izboru najpovoljnije ponude, zaključit će sa najpovoljnijim ponuđačem Općinski načelnik.

**IX**

Postupak po Javnom pozivu za zakup poljoprivrednog zemljišta provest će komisija koju će imenovati Općinski Načelnik.

X

Rok za podnošenje prijave na Javni poziv je 15 dana od dana objavljivanja Javnog poziva na oglasnoj ploči općine Jablanica, web stranici općine Jablanica i RTV Jablanica.

O rezultatima Javnog poziva kandidati će biti obavješteni u roku od 8 dana od donošenja Odluke o odabiru najpovoljnije ponude.

XI

Ova Odluka stupa na snagu danom objavljivanja u „Službenom glasniku općine Jablanica“.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-472-1/21-15
Jablanica, 28.02.2022.g.

PREDSJEDAVAJUĆI OV-a
Emir Muratović, BA ing.građ.s.r.

Na osnovu člana 14. Zakona o mladima FBiH („Službene novine FBiH“, broj: 36/10), člana 18. Statuta Općine Jablanica («Službeni glasnik Općine Jablanica», broj: 2/09, 8/16 i 2/20), člana 22. stav 4. Odluke o izvršenju Budžeta-Proračuna općine Jablanica za 2022. godinu («Službeni glasnik Općine Jablanica» broj: 10/21), Općinsko vijeće na svojoj 15. sjednici, održanoj dana 28.02.2022. godine, **donijelo je**

ODLUKU**o raspodjeli sredstava iz stavke „Transfer za mlade“ Budžeta – Proračuna Općine Jablanica za 2022. godinu****Član 1.**

Ovom Odlukom utvrđuje se visina, namjena, način pravdanja kao i način raspodjele sredstava članicama Vijeća mladih općine Jablanica iz stavke „Transfer za mlade“ Budžeta općine Jablanica za 2022. godinu.

Član 2.

Vijeće mladih općine Jablanica dužno je prethodno sačiniti internu Odluku o raspodjeli sredstava iz stavke „Transfer za mlade“ Budžeta – Proračuna općine Jablanica za 2022. godinu u skladu sa odobrenim budžetskim sredstvima i Statutom Vijeća mladih općine Jablanica.

Član 3.

Sredstva iz prethodnog člana će se uplaćivati u akontativnim mjesečnim tranšama u tekućoj godini na račun Vijeća mladih općine Jablanica.

Na osnovu interne Odluku o raspodjeli sredstava iz stavke „Transfer za mlade“ Budžeta – Proračuna Općine Jablanica za 2022.godinu, odobravaju se sredstva organizacijama članicama Vijeća mladih općine Jablanica u ukupnom iznosu 20.000,00 KM i to:



R.br.	Naziv omladinskog udruženja	Jedinica	Broj mjeseci	UKUPNO
1.	Vijeće mladih općine Jablanica	Mjesec	12	7.085,32KM
2.	OKC „Urban Art“ Jablanica	Mjesec	12	3.772,20 KM
3.	Omladinska organizacija „Prenj“ Jablanica	Mjesec	12	308,80 KM
4.	Škola gitare „Galeb“	Mjesec	12	494,80 KM
5.	O.K. „Pod istim suncem“ Jablanica	Mjesec	12	8.338,88 KM
				20.000,00 KM

Predsjednik Vijeća mladih općine Jablanica zadužen je za pravovremeni bankovni transfer sredstava svakoj organizaciji prema planu troškova utvrđenih internom Odlukom.

Član 4.

Sredstva iz člana 3. ove Odluke obezbijedena su u Budžetu – Proračunu Općine Jablanica za 2022. godinu na poziciji Tekući transferi neprofitnim organizacijama (analitika konta 614300)-Transfer za mlade.

Član 5.

Zadužuju se nadležne službe Općine Jablanica za praćenje i realizaciju transfera sredstava odobrenih za poziciju Transfer za mlade, a u skladu sa raspoloživim sredstvima u Budžetu - Proračunu Općine Jablanica za 2022. godinu.

Sredstva predviđena ovom Odlukom doznačavaju se Vijeću mladih uz obavezu da Predsjednik Vijeća mladih za svaki prethodni mjesec nadležnoj općinskoj službi dostavi dokaze o svim troškovima, zajedno sa kopijama računa za svaku stavku prema planu troškova iz interne odluke Odluke o raspodjeli sredstava Vijeća mladih broj: 364-2/22 od 08.02.2022. godine.

Općinska služba može vršiti usklađivanje iznosa sredstava u skladu sa izvještajem o pravdanju sredstava koji podnosi Predsjednik Vijeća mladih.

Član 6.

Vijeće mladih općine Jablanica se obavezuje da podnese finansijski izvještaj o ukupnom utrošku sredstava nadležnoj službi iz budžetske stavke Transfer za mlade za 2022. godinu.

Član 7.

Ova Odluka stupa na snagu danom objave u «Službenom glasniku Općine Jablanica».

Bosna i Hercegovina
 Federacija Bosne i Hercegovine
 Hercegovačko-neretvanski kanton
 OPĆINA JABLANICA
 OPĆINSKO VIJEĆE
 Broj:02-02-472-2/21-15
 Jablanica, 28.02.2022.g.

PREDSJEDAVAJUĆI OV-a
 Emir Muratović, BA ing. građ.s.r.

Na osnovu člana 14. stav 4. Zakona o eksproprijaciji (‘‘Službene novine FBiH’’, broj: 70/07, 36/10, 25/12, 34/16) i člana 18. Statuta Općine Jablanica (‘‘Službeni glasnik Općine Jablanica’’ broj 02/09, 8/16, 2/20), Općinsko vijeće na 15. redovnoj sjednici održanoj dana 28.02.2022. godine, *donijelo je*

ODLUKU

**I**

UTVRĐUJE SE DA JE OD JAVNOG INTERESA izgradnja dijela 10(20) kV kablovske podzemne veze „TS Grad I - TS Gostovišće I“, pa se radi izvođenja radova može pristupiti nepotpunoj eksproprijaciji na dijelu zemljišta označenom kao:

- k.č. broj **356/2**, zvana „Laze“, u naravi zemljište uz privrednu zgradu, površine 17688 m², upisana u ZK uložak broj 14476 K.O. Jablanica, vlasništvo J.P. Elektroprivreda-BH Sarajevo sa 1/1 dijela;
- k.č. broj **2309**, zvana „Neretva“, u naravi rijeka, površine 74045 m², upisana u ZK uložak broj 228 K.O. Jablanica, dobro u opštoj upotrebi – vode, Općina Jablanica sa 1/1 dijela;
- k.č. broj **1967/1**, zvana „Stadion“, u naravi zgrada fizičke kulture i rekreacije, površine 217 m², zemljište uz zgradu fizičke kulture i rekreacije, površine 9996 m², ukupne površine 10213 m², upisana u ZK uložak broj 217 K.O. Jablanica, pravo raspolaganja Općina Jablanica sa 1/1 dijela;
- k.č. broj **1968/2**, zvana „Podbreška“, u naravi nekategorisani put, površine 1831 m², upisana u ZK uložak broj 207 K.O. Jablanica, dobro u opštoj upotrebi – putevi, Općina Jablanica sa 1/1 dijela;
- k.č. broj **1968/11**, zvana „Podbileška“, u naravi zemljište uz zgradu fizičke kulture, površine 61 m², upisana u ZK uložak broj 215 K.O. Jablanica, vlasništvo Općina Jablanica sa 1/1 dijela;
- k.č. broj **4**, zvana „Gostovišće“, u naravi nekategorisani put, površine 1161 m², upisana u ZK uložak broj 57 K.O. Lug, dobro u opštoj upotrebi – putevi, Općina Jablanica sa 1/1 dijela;
- k.č. broj **1214**, zvana „Jezero“, u naravi vještačko jezero, površine 17230 m², upisana u ZK uložak broj 101 K.O. Lug, pravo raspolaganja Općina Jablanica sa 1/1 dijela, trajno pravo korištenja zemljišta Hidroelektrana Jablanica sa 1/1 dijela;
- k.č. broj **1216/1**, zvana „Put kroz Lug“, u naravi nekategorisani put, površine 6563 m², upisana u ZK uložak broj 57 K.O. Lug, dobro u opštoj upotrebi – putevi, Općina Jablanica sa 1/1 dijela;
- k.č. broj **10/3**, zvana „Gostovišće“, u naravi šuma 6. klase, površine 434 m², upisana u ZK uložak broj 190 K.O. Lug, pravo raspolaganja Općina Jablanica sa 1/1 dijela, trajno pravo korištenja zemljišta JU Muzej „Bitka za ranjenike na Neretvi“ sa 1/1 dijela.

II

Utvrđuje se da je Javno preduzeće „ELEKTROPRIVREDA BIH“ d.d. Sarajevo, Podružnica „Elektrodistribucija“ Mostar, korisnik nepotpune eksproprijacije za izgradnju dijela 10(20) kV kablovske podzemne veze „TS Grad I - TS Gostovišće I“, na zemljištu iz tačke I ove odluke.

III

Protiv ove odluke može se pokrenuti upravni spor podnošenjem tužbe Kantonalnom sudu Mostar u roku od 30 dana od dana dostavljanja ove odluke. Tužba se podnosi neposredno sudu.

IV

Ovo odluka stupa na snagu danom donošenja, a ista će biti objavljena u Službenom glasniku Općine Jablanica.

Obrazloženje

Podneskom broj 03-3-22-869/2022 od 24.01.2022. godine, zaprimljen dana 26.01.2022. godine, JP „Elektroprivreda BIH“ d.d. Sarajevo, Podružnica „Elektrodistribucija“ Mostar, obratilo se Službi za upravu za geodetske, imovinsko-pravne poslove i katastar nekretnina Općine Jablanica, sa prijedlogom da se na osnovu člana 14. stav 4. Zakona o eksproprijaciji “Službene novine FBiH” broj: 70/07, 36/10, 25/12), donese odluka o utvrđivanju javnog interesa za izgradnju dijela 10(20) kV kablovske podzemne veze „TS Grad I - TS Gostovišće I“, na dijelu zemljišta označenog brojevima katastarskih parcela 356/2, 2309, 1967/1, 1968/2, 1968/11 KO. Jablanica, i k.č. broj 4, 1214, 1216/1 i 10/3 K.O. Lug, te da se u te svrhe može pristupiti nepotpunoj eksproprijaciji navedenog zemljišta.

Uz zahtjev je priloženo:

- fotokopija pravosnažnog Rješenja broj: 04/1-19-1-265/21 od 21.12.2021. godine;
- zemljišnoknjižni izvadak broj: 056-0-NAR-22-000 164 od 12.01.2022. godine
- zemljišnoknjižni izvadak broj: 056-0-NAR-22-000 165 od 12.01.2022. godine;
- zemljišnoknjižni izvadak broj: 056-0-NAR-22-000 166 od 12.01.2022. godine;
- zemljišnoknjižni izvadak broj: 056-0-NAR-22-000 167 od 12.01.2022. godine;



- zemljišnoknjižni izvadak broj: 056-0-NAR-22-000 168 od 12.01.2022. godine;
- zemljišnoknjižni izvadak broj: 056-0-NAR-22-000 169 od 12.01.2022. godine;
- zemljišnoknjižni izvadak broj: 056-0-NAR-22-000 170 od 12.01.2022. godine;
- dokaz o plaćenju taksu.

U cilju provođenja postupka nepotpune eksproprijacije ustanovljenjem služnosti na zemljištu koje je obuhvaćeno naprijed navedenim postupkom, u skladu sa članom 14. stav 4. Zakona o eksproprijaciji Općinsko vijeće Jablanica riješilo je kao u dispozitivu ove odluke.

Odredba da se protiv ove odluke može pokrenuti upravni spor, temelji se na odredbi člana 16. stav 5. Zakona o eksproprijaciji («Službene novine F BiH», broj:70/07, 36/10, 25/12, 34/16).

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-472-6/21-15
Jablanica, 28.02.2022.g.

PREDSJEDAVALAČI OV-a
Emir Muratović, BA ing. građ.s.r.

Na osnovu člana 14. stav 4. Zakona o eksproprijaciji (‘‘Službene novine FBiH’’, broj: 70/07, 36/10, 25/12, 34/16) i člana 18. Statuta Općine Jablanica (‘‘Službeni glasnik Općine Jablanica’’ broj 02/09, 8/16, 2/20), Općinsko vijeće na 15. redovnoj sjednici održanoj dana 28.02.2022. godine, *donijelo je*

ODLUKU

I

UTVRĐUJE SE DA JE OD JAVNOG INTERESA izgradnja dijela 10(20) kV kablovske podzemne veze „TS Granit I - TS Industrijska zona Šljunkara“, pa se radi izvođenja radova može pristupiti nepotpunoj eksproprijaciji na dijelu zemljišta označenom kao:

- k.č. broj **317/1**, zvana „Dolčić“, u naravi poslovna zgrada u privredi (1), površine 50 m², poslovna zgrada u privredi (2) površine 17 m², poslovna zgrada u privredi (3), površine 294 m², poslovna zgrada u privredi (4), površine 276 m², poslovna zgrada u privredi (5), površine 200 m², poslovna zgrada u privredi (6), površine 309 m², poslovna zgrada u privredi (7), površine 80 m², poslovna zgrada u privredi (8), površine 189 m², poslovna zgrada u privredi (9), površine 415 m², poslovna zgrada u privredi (10), površine 25 m², poslovna zgrada u privredi (11), površine 69 m², poslovna zgrada u privredi (12), površine 365 m², poslovna zgrada u privredi (13), površine 2.098 m², poslovna zgrada u privredi (14), površine 354 m², poslovna zgrada u privredi (15), površine 332 m², poslovna zgrada u privredi (16), površine 525 m², poslovna zgrada u privredi (17), površine 858 m², poslovna zgrada u privredi (18), površine 65 m², poslovna zgrada u privredi (19), površine 70 m², poslovna zgrada u privredi (20), površine 249 m², zemljište uz privrednu zgradu površine 22952 m², šuma 4. klase, površine 2562 m, upisana u ZK uložak broj 14417 K.O. Jablanica, vlasništvo Općina Jablanica sa 1/1 dijela;
- k.č. broj **317/4**, zvana „Grabi-Graci“, u naravi poslovna zgrada u privredi, površine 819 m², pomoćna zgrada (2), površine 11 m², elektroenergetski objekat (3), površine 8 m², zemljište uz privrednu zgradu, površine 2760 m², upisana u ZK uložak broj 1171, vlasništvo „Mineral“ d.o.o. Jablanica sa 1/1 dijela.

II

Utvrđuje se da je Javno preduzeće „ELEKTROPRIVREDA BIH“ d.d. Sarajevo, Podružnica „Elektrodistribucija“ Mostar, korisnik nepotpune eksproprijacije za izgradnju dijela 10(20) kV kablovske podzemne veze „TS Granit I - TS Industrijska zona Šljunkara“, na zemljištu iz tačke I ove odluke.

**III**

Protiv ove Odluke može se pokrenuti upravni spor podnošenjem tužbe Kantonalnom sudu Mostar u roku od 30 dana od dana dostavljanja ove odluke. Tužba se podnosi neposredno sudu.

IV

Ovo Odluka stupa na snagu danom donošenja, a ista će biti objavljena u Službenom glasniku Općine Jablanica.

O b r a z l o ž e n j e

Podneskom broj 03-3-22-850/2022 od 24.01.2022. godine, zaprimljen dana 26.01.2022. godine, JP „Elektroprivreda BiH“ d.d. Sarajevo, Podružnica „Elektrodistribucija“ Mostar, obratilo se Službi za upravu za geodetske, imovinsko-pravne poslove i katastar nekretnina Općine Jablanica, sa prijedlogom da se na osnovu člana 14. stav 4. Zakona o eksproprijaciji „Službene novine FBiH“ broj: 70/07, 36/10, 25/12), donese odluka o utvrđivanju javnog interesa za izgradnju dijela 10(20) kV kablovske podzemne veze „TS Granit I - TS Industrijska zona Šljunkara“, na dijelu zemljišta označenog brojevima katastarskih parcela 317/1 i 317/4 K.O. Jablanica, te da se u te svrhe može pristupiti nepotpunoj eksproprijaciji navedenog zemljišta.

Uz zahtjev je priloženo:

- fotokopija pravosnažnog Rješenja broj: 04/1-19-1-263/21 od 29.10.2021. godine;
- zemljišnoknjižni izvadak broj: 056-0-NAR-21-007 469 od 09.12.2021. godine;
- zemljišnoknjižni izvadak broj: 056-0-NAR-21-007 470 od 09.12.2021. godine;
- dokaz o plaćenju taksu.

U cilju provođenja postupka nepotpune eksproprijacije ustanovljenjem služnosti na zemljištu koje je obuhvaćeno naprijed navedenim postupkom, u skladu sa članom 14. stav 4. Zakona o eksproprijaciji Općinsko vijeće Jablanica riješilo je kao u dispozitivu ove odluke.

Odredba da se protiv ove odluke može pokrenuti upravni spor, temelji se na odredbi člana 16. stav 5. Zakona o eksproprijaciji («Službene novine F BiH», broj:70/07, 36/10, 25/12, 34/16).

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-472-7/21-15
Jablanica, 28.02.2022.g.

PREDSJEDAVAJUĆI OV-a
Emir Muratović, BA ing. građ.s.r.

Na osnovu člana 50. Zakona o komunalnim djelatnostima („Službene novine HNK“, broj 4/16), člana 16. Odluke o komunalnim djelatnostima („Službeni glasnik Općine Jablanica“, broj 4/18) i člana 18. Statuta općine Jablanica („Službeni glasnik općine Jablanica“, broj 2/09, 8/16 i 2/20), na 15. sjednici Općinskog vijeća Jablanica održanoj dana 28.02.2022. godine, donosi se:

ODLUKA**o izmjenama Odluke o komunalnoj naknadi****Član 1.**

Član 34. u stavu 2. i 3.. Odluke o komunalnoj naknadi (Službeni glasnik općine Jablanica br. 14/19, 1/21) mijenja se i glasi :

(2) *U zoni I i II za stambene objekte odgađa se obaveza plaćanja komunalne naknade do 2023. godine.*

(3) *U zoni I i II za poslovne objekte odgađa se obaveza plaćanja komunalne naknade od dana nastanka obaveze do 2023. godine.*

Član 2.

Ova Odluka stupa na snagu danom objavljivanja u „Službenom glasniku Općine Jablanica“.



Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-472-5/21-15
Jablanica, 28.02.2022.g.

PREDSJEDAVAJUĆI OV-a
Emir Muratović, BA ing. građ.s.r.

Na osnovu člana 61. stav 1. Zakona o građevinskom zemljištu («Službene novine F BiH» broj: 25/03, 67/05), člana 34. Odluke o građevinskom zemljištu («Službeni glasnik općine Jablanica» broj: 14/19) i člana 18. Statuta Općine Jablanica («Službeni glasnik općine Jablanica» broj: 2/09, 8/16, 2/20), rješavajući po zahtjevu Proho (Sulejman) Remze iz Jablanice, za utvrđivanje prava vlasništva na građevinskom zemljištu na kojem je izgrađena zgrada bez prava korištenja zemljišta radi građenja, Općinsko vijeće Jablanica na 15. redovnoj sjednici održanoj dana 28.02.2022. godine, *donijelo je*

RJEŠENJE

I

Na građevinskom zemljištu označenom kao k.č. broj 829/1 K.O. Jablanica, u površini od 311 m², upisana u z.k. uložak broj: 215, K.O. Jablanica utvrđuje se pravo vlasništva u korist **PROHO (Sulejman) REMZE** iz Jablanice, kao graditelja zgrade izgrađene na tom zemljištu.

II

Proho (Sulejman) Remzo dužan je za zemljište iz tačke I ovog rješenja platiti sljedeće naknade:

1. naknada za zemljište u iznosu od **17.058,35 KM (sedamnaest hiljada pedesetosam i 35/100 KM)**;
2. naknada za pogodnost lokacije – renta u iznosu **4.661,40 KM (četirihiljade šeststotinašezdeset i 40/100 KM)**;
3. naknada za uređenje građevinskog zemljišta u iznosu od **1.553,80 KM (hiljadu petstotinapedesettri i 80/100 KM)**.

III

Naknadu za zemljište u iznosu od 17.058,35 KM, imenovani je dužan uplatiti na žiro-račun općine Jablanica broj: 1011510073817981, otvoren kod Privredna banka Sarajevo, Agencija Jablanica, šifra Općine 041, vrsta prihoda 722431, sa naznakom “Naknada za zemljište”, u roku od 30 dana od dana donošenja rješenja.

Naknadu za pogodnost lokacije – renta u iznosu od 4.661,40 KM imenovani je dužan uplatiti na žiro-račun općine Jablanica broj: 1011510073817981, otvoren kod Privredna banka Sarajevo, Agencija Jablanica, šifra Općine 041, vrsta prihoda 722435, sa naznakom “Naknada za pogodnost lokacije– renta”, u roku od 30 dana od dana donošenja rješenja.

Naknadu za uređenje građevinskog zemljišta u iznosu od 1.553,80 KM, imenovani je dužan uplatiti na žiro-račun općine Jablanica broj: 1011510073817981, otvoren kod Privredna banka Sarajevo, Agencija Jablanica, šifra Općine 041, vrsta prihoda 722433, sa naznakom “Naknada za uređenje zemljišta”, u roku od 15 dana od dana dostavljanja rješenja.

IV

Na zemljištu iz tačke I. ovog rješenja, nakon pravosnažnosti ovog rješenja i regulisanja uplate naknada iz tačke II rješenja, Zemljišno-knjižni ured Općinskog suda u Konjicu, izvršit će uknjižbu prava vlasništva u korist Proho (Sulejman) Remzo, iz Jablanice, uz istovremeno brisanje ranije izvršenih upisa na tom zemljištu.

Obrazloženje

Podneskom broj: 05-27-149/21 od 12.03.2021. godine, obratio se Proho (Sulejman) Remzo iz Jablanice, sa zahtjevom da se u skladu sa članom 61. Zakona o građevinskom zemljištu utvrdi pravo vlasništva



u njegovu korist, na građevinskom zemljištu iz tačke I ovog rješenja, na kome je izgradio stambeni objekat bez prava korištenja zemljišta radi građenja. Uz zahtjev je priložio dokaz o uplati takse, zemljišno-knjižni izvadak broj 056-0-NAR-21-001 393 od 10.03.2021. godine i Stručnu ocjenu Komisije za legalizaciju Općine Jablanica broj 04-25-1147/19 od 28.11.2019. godine, u kojoj je konstatovano da postoje uslovi za legalizaciju stambenog objekta spratnost Su+P, kao i za formiranje građevinske parcele.

U postupku koji je predhodio donošenju ovog rješenja utvrđeno je:

- da se građevinska parcela formira od dijela katastarske parcele broj: 829/1 K.O. Jablanica;
- da je Stručnom ocjenom Komisije za legalizaciju Općine Jablanica broj 04-25-1147/19 od 28.11.2019. godine, konstatovano da postoje uslovi za legalizaciju izgrađenog stambenog objekta spratnost Su+P;
- na održanoj usmenoj raspravi u ovoj stvari, uz učešće stranke, geodetskog i urbanističko-građevinskog stručnjaka, utvrđeno je sljedeće činjenično stanje:
- identifikacijom predmetnog zemljišta konstatovano je da se radi o parceli broj 829/1 zvana „Padina“ u naravi njiva 5. klase, ukupne površine 311 m², upisana u ZK uložak broj 215 K.O. Jablanica, vlasništvo Općina Jablanica sa 1/1 dijela;
- da je građevinska parcela u površini od 311 m² prema Planu parcelacije RP „Gradski centar 1“ označena brojem 31; da je na građevinskoj parceli izgrađen stambeni objekat dimenzija na nivou suterena 7,8x4,1m, a na nivou prizemlja dimenzija 7,8x9,7m, a korisna površina objekta prema glavnom projektu je 91,4 m²;
- usmenoj raspravi nije prisustvovao Općinski javni pravobranilac, iz opravdanih razloga;
- obzirom da Općinski javni pravobranilac nije prisustvovao usmenoj raspravi, kom prilikom je utvrđeno da se na predmetnom zemljištu pored stambenog objekta čiji je investitor Proho Remzo nalazi i pomoćni objekat (šupa) koji koriste treća lica, to je aktom broj 05-27-149/21 od 21.05.2021. godine, pozvan Općinski javni pravobranilac da se izjasni o provedenom postupku i na okolnosti korištenja predmetnog zemljišta od strane trećih lica, a sve u vezi sa tužbom Općinskog javnog pravobranilaštva broj P-8/20.
- Općinsko javno pravobranilaštvo je dana 18.11.2021. godine dostavilo Službi za upravu za geodetske, imovinsko-pravne poslove i katastar nekretnina, svoje Očitovanje broj R-51/20 od 17.11.2021. godine u kojem se predlaže da organ nastavi sa postupkom koji je pokrenut zahtjevom Proho Remze za utvrđivanje prava vlasništva na zemljištu označenom kao k.č. broj 829/1 K.O. Jablanica, jer je tužba broj P-8/20 povučena.

Naime, obzirom da je članom 34. stav 3. Odluke o građevinskom zemljištu (“Službeni glasnik Općine Jablanica” broj: 14/19), propisano da se naknada za zemljište utvrđuje na osnovu procjene tržišne vrijednosti zemljišta, od strane stalnog sudskog vještaka odgovarajuće struke, to je u provedenom postupku Zaključkom broj 05-27-149/21 od 22.03.2021. godine imenovan stalni sudski vještak građevinske struke koji je izradio Procjenu tržišne vrijednosti nekretnine-zemljišta označenog kao k.č. broj 829/1 K.O. Jablanica, od 05.04.2021. godine.

Nadalje, u postupku je traženo mišljenje Općinskog javnog pravobranioca, u pogledu utvrđivanja prava vlasništva na predmetnom zemljištu, obzirom da se radi o zemljištu na kojem pravo vlasništva ima Općina Jablanica sa 1/1 dijela, odnosno primjeni samog člana 61. Zakona o građevinskom zemljištu. U vezi s tim, Općinski javni pravobranilac je dostavio svoje mišljenje broj: M-53/21 od 13.12.2021. godine, u kojem se navodi da je prijedlog rješenja u skladu sa pozitivnim zakonskim propisima.

Odredba o naknadi za građevinsko zemljište temelji se na članu 61. stav 1. Zakona o građevinskom zemljištu («Službene novine F BiH» broj: 25/03, 67/05), članu 34. i 35. Odluke o građevinskom zemljištu (“Službeni glasnik općine Jablanica” broj: 14/19). Naknade iz tačke II ovog rješenja obuhvataju:

- naknadu za zemljište, koja predstavlja tržišnu vrijednost zemljišta, a u konkretnom slučaju njena visina određena shodno odredbama člana 34. stav 3. Odluke o građevinskom zemljištu (“Službeni glasnik Općine Jablanica” broj: 14/19), te ista iznosi 54,85 KM/m², odnosno u konkretnom slučaju 17.058,35 KM (54,85 KM x 311 m²);
- naknadu za pogodnost lokacije-renta koja se plaća po 1 m² korisne površine građevine koja će se graditi a utvrđuje se u procentu od prosječne konačne građevinske cijene 1 m² korisne stambene površine koja je za posljednji kvartal 2020. godine za područje općine Jablanica utvrđena u iznosu od 850,00 KM/m². U konkretnom slučaju ukupna korisna površina građevine određena je Stručnom ocjenom Komisije za legalizaciju Općine Jablanica broj 04-25-1147/19 od 28.11.2019. godine i iznosi 91,40 m². Iznos rente po 1 m² korisne površine već izgrađenog objekta na zemljištu iz tačke I ovog rješenja, u konkretnom slučaju utvrđena je u iznosu od 51,00 KM/m², što ukupno iznosi 4.661,40 KM;



- naknada za uređenje građevinskog zemljišta. Visina naknade za uređenje određena je obzirom na korisnu površinu objekta (91,40 m²) i zonu građevinskog zemljišta (I stambena zona) shodno odredbama člana 14. i 15. Odluke o uređenju građevinskog zemljišta ("Službeni glasnik općine Jablanica" broj: 5/04, 3/15), tako da u konkretnom slučaju ista iznosi 1.553,80 KM.

Kako su u konkretnom slučaju ispunjeni uslovi propisani članom 61. Zakona o građevinskom zemljištu, to je valjalo ovim rješenjem utvrditi pravo vlasništva u korist podnosioca zahtjeva, na navedenom zemljištu na kome je izgrađena zgrada bez prava korištenja radi građenja.

Na osnovu izloženog, a u skladu sa članom 61. Zakona o građevinskom zemljištu («Službene novine F BiH» broj: 67/05) rješeno je kao u dispozitivu.

POUKA O PRAVNOM LIJEKU:

Protiv ovog Rješenja nije dozvoljena žalba, ali se može pokrenuti upravni spor podnošenjem tužbe Kantonalnom sudu Mostar, u roku od 30 dana od dana dostavljanja rješenja. Tužba se podnosi neposredno nadležnom sudu, u dva primjerka.

Bosna i Hercegovina
Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE
Broj:02-02-472-8/21-15
Jablanica, 28.02.2022.g.

PREDSJEDAVAJUĆI OV-a
Emir Muratović, BA ing. građ.s.r.

Na osnovu člana 18. Statuta općine Jablanica («Službeni glasnik općine Jablanica» broj: 2/09, 8/16 i 2/20), na prijedlog Komisije za izbor, imenovanja i mandatno – imunitetska pitanja, Općinsko vijeće Jablanica, na 15. sjednici održanoj dana 28.02.2022. godine, **d o n i j e l o j e**

O D L U K U

o verifikaciji mandata vijećnika Općinskog vijeća Općine Jablanica

I

Verifikuje se mandat Almi Gabeli, vijećnici Općinskog vijeća Općine Jablanica, dodijeljen Odlukom Centralne izborne komisije BiH br. 06-1-07-1-20/22 od 03.02.2022.godine kao slijedećem kvalificiranom kandidatu sa liste političkog subjekta SDA – STRANKA DEMOKRATSKE AKCIJE, upražnjen prestankom mandata Jasmina Zahirovića izabranom na Lokalnim izborima održanim 2020. godine.

II

Vijećnica Alma Gabela preuzeti će dužnost davanjem i potpisivanjem svečane izjave.

Sastavni dio ove Odluke čini potpisana Svečana izjava vijećnice broj: 02-02-472-S.I./22 - 15 od 28.02.2022.g.

III

Ova Odluka stupa na snagu danom donošenja i objavit će se u "Službenom glasniku Općine Jablanica".

Bosna i Hercegovina
Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE
Broj:02-02-472-11/21-15
Jablanica, 28.02.2022.g.

PREDSJEDAVAJUĆI OV-a
Emir Muratović, BA ing. građ.s.r.



Na osnovu člana 18. Statuta Općine Jablanica («Službeni glasnik općine Jablanica» broj:2/09, 8/16 i 2/20), Općinsko vijeće općine Jablanica, na 15. sjednici održanoj dana 28.02.2022.g, d o n i j e l o j e

ZAKLJUČAK

I

Usvaja se Izvještaj o radu Općinskog vijeća Jablanica za 2021.godinu, broj:02-04-445/22 od 14.02.2022.godine.

II

Sastani dio ovog Zaključka je Izvještaj iz prethodne tačke.

III

Ovaj Zaključak stupa na snagu danom donošenja, a objavit će se u „Službenom glasniku Općine Jablanica“.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-472-3/21-15
Jablanica, 28.02.2022.g.

PREDSJEDAVAJUĆI OV-a
Emir Muratović, BA ing. građ.s.r.

Na osnovu člana 18. Statuta Općine Jablanica («Službeni glasnik općine Jablanica» broj:2/09, 8/16 i 2/20), Općinsko vijeće općine Jablanica, na 15. sjednici održanoj dana 28.02.2022.g, d o n i j e l o j e

ZAKLJUČAK

I

Usvajaju se Izvještaji komisija Općinskog vijeća Jablanica za 2021.godinu i to kako slijedi:

- Komisija za izbor, imenovanja i mandatno-imunitetska pitanja,
- Komisije za prostorno uređenje i ekologiju,
- Komisije za ljudska prava, boračka i socijalna pitanja i predstavke građana,
- Komisije za budžet i društveni nadzor,
- Komisije za statutarna pitanja i propise,
- Etičke komisije časti,
- Komisije za mjesne zajednice, pitanja mladih i saradnju,
- Komisije za javna priznanja,
- Komisije za rješavanje stambenih pitanja boračkih populacija,
- Općinske izborne komisije Jablanica,
- Komisije za legalizaciju,
- Žalbene komisije Općinskog vijeća,
- Komisije za stipendije,
- Komisije za nadzor realizacije Strateškog plana razvoja općine Jablanica,
- Vijeća za implementaciju

II

Sastavni dio ovog Zaključka su Izvještaji Komisija iz prethodne tačke.

III

Ovaj Zaključak stupa na snagu danom donošenja, a objavit će se u „Službenom glasniku Općine Jablanica“.



Bosna i Hercegovina
Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE
Broj:02-02-472-4/21-15
Jablanica, 28.02.2022.g.

PREDSJEDAVAJUĆI OV-a
Emir Muratović, BA ing. građ.s.r.

Na osnovu člana 18. Statuta Općine Jablanica («Službeni glasnik općine Jablanica» broj:2/09, 8/16 i 2/20), Općinsko vijeće općine Jablanica, na 15. sjednici održanoj dana 28.02.2022.g, d o n i j e l o j e

ZAKLJUČAK

I

Usvaja se Incijativa vijećnika Idriza Čilića za izgradnju sale za vjenčanja na području općine Jablanica.

II

Ovaj Zaključak stupa na snagu danom donošenja, a objavit će se u „Službenom glasniku Općine Jablanica“.

Bosna i Hercegovina
Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE
Broj:02-02-472-9/21-15
Jablanica, 28.02.2022.g.

PREDSJEDAVAJUĆI OV-a
Emir Muratović, BA ing. građ.s.r.

Na osnovu člana 18. Statuta Općine Jablanica («Službeni glasnik općine Jablanica» broj:2/09, 8/16 i 2/20), Općinsko vijeće općine Jablanica, na 15. sjednici održanoj dana 28.02.2022.g, d o n i j e l o j e

ZAKLJUČAK

I

Općinsko vijeće Općine Jablanica traži od Vlade HNK i Ministarstva unutrašnjih poslova HNK da hitno poduzmu potrebne radnje u okviru svoje nadležnosti i zapošljavanjem nedostajućeg policijskog kadra u PS Jablanica, građanima pruži odgovarajući stepen zaštite i sigurnosti ljudi i imovine.

II

Ovaj Zaključak stupa na snagu danom donošenja, a objavit će se u „Službenom glasniku Općine Jablanica“.

Bosna i Hercegovina
Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE
Broj:02-02-472-10/21-15
Jablanica, 28.02.2022.g.

PREDSJEDAVAJUĆI OV-a
Emir Muratović, BA ing. građ.s.r.



Bosna i Hercegovina
Federacija Bosne i Hercegovine
Hercegovačko-neretvanski kanton

Na osnovu člana 25. stav (3) Zakona o javnim ustanovama („Sl.list RBiH” broj: 6/92, 8/93 i 13/94), člana 4. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH», broj:12/03, 34/03 i 65/13), člana 41. Statuta općine Jablanica («Službeni glasnik općine Jablanica», broj: 2/09 i 8/16), člana 10. Odluke o preuzimanju osnivačkih prava, promjeni naziva, promjeni adrese sjedišta, promjeni djelatnosti i usklađivanje djelatnosti sa Standardnom klasifikacijom djelatnosti Javne ustanove Muzej „Bitka za ranjenike na Neretvi“ Jablanica (Službeni glasnik općine br. 3/08 i 5/16) i člana 2. i 4. stav (2) Odluke o postupku i kriterijima za imenovanja na pozicije u reguliranim organima Općine Jablanica («Službeni glasnik Općine Jablanica», broj: 4/15), Općinski načelnik, d o n i o j e

R J E Š E N J E
privremenom imenovanju predsjednika
upravnog odbora JU Muzej «Bitka za ranjenike na Neretvi» Jablanica

I

Emir Šukman, privremeno se imenuje za predsjednika upravnog odbora JU Muzej «Bitka za ranjenike na Neretvi» Jablanica.

II

Imenovanje iz tačke 1. ovog rješenja vrši se na period do tri (3) mjeseca računajući od dana stupanja na snagu ovog rješenja, odnosno do imenovanja predsjednika Upravnog odbora u svojstvu predstavnika osnivača u redovnoj proceduri, a po javnom oglasu za izbor i imenovanje predsjednika upravnog odbora JU Muzej «Bitka za ranjenike na Neretvi» Jablanica.

II

Imenovanje na period do tri (3) mjeseca se vrši izuzetno radi potrebe nesmetanog funkcionisanja JU Muzej «Bitka za ranjenike na Neretvi» Jablanica i ne može se ponoviti.

IV

Ovo Rješenje stupa na snagu danom donošenja i objaviće se u «Službenom glasniku Općine Jablanica».

OPĆINA JABLANICA
OPĆINSKI NAČELNIK
Broj:01-04-1714/21-Rj.2-1
Jablanica, 09.02.2022.g.

OPĆINSKI NAČELNIK
Damir Šabanović s.r.

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj: 12/03 i 65/13), člana 13. Odluke o postupku i kriterijima za imenovanja na pozicije u reguliranim organima Općine Jablanica („Službeni glasnik Općine Jablanica“, broj: 4/15), člana člana 41. Statuta općine Jablanica („Službeni glasnik općine Jablanica“, broj: 2/09 i 8/16), općinski načelnik, donio je:

ODLUKU
o poništenju dijela Javnog oglasa za izbor i imenovanje na poziciju članova školskog i upravnih
odbora ustanova kojima je osnivač Općina Jablanica



I

Poništava se Javni oglas za izbor i imenovanje na poziciju članova školskog i upravnih odbora ustanova kojima je osnivač Općina Jablanica, objavljen dana 08.09.2021. godine u "Službenim novinama Federacije BiH" broj: 7/21, i dnevnom listu "Oslobođenje" dana 06.09.2021. godine, u dijelu koji se odnosi na imenovanje člana Upravnog odbora JU Muzej „Bitka za ranjenike na Neretvi“ Jablanica, naveden pod tačkom 3. Javnog oglasa, kako slijedi:

„3. Upravni odbor **JU Muzej „Bitka za ranjenike na Neretvi“ Jablanica** - jedan (1) član - predstavnik osnivača.“

II

Ovom Odlukom stavlja se van snage rješenje općinskog načelnika Općine Jablanica broj: 01-04-1714/21 –Rj.3. od 07.01.2022. godine.

III

Ova Odluka stupa na snagu danom donošenja i bit će objavljena u dnevnom listu „Oslobođenje“, „Službenim novinama Federacije BiH“ i „Službenom glasniku Općine Jablanica“.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK
Broj:01-04-1714-13/21
Jablanica, 09.02.2022.g.

OPĆINSKI NAČELNIK
Damir Šabanović s.r.

Na osnovu člana 8. Zakona o ministarskim, vladinim i drugim imenovanjima FBiH (Sl. novine FBiH br. 12/03, 34/03 i 65/13), člana 25. Zakona o javnom pravobranilaštvu HNK (Sl. novine HNK broj: 8/99, 3/04 i 11/08), člana 41. Statuta Općine Jablanica ("Službeni glasnik Općine Jablanica", broj: 2/09i 8/16), člana 15. Odluke o osnivanju Općinskog javnog pravobranilaštva (Službeni glasnik Općine Jablanica broj 1/98, 2/00, 3/03, 4/05, 2/07 i 8/16), Općinski načelnik **donosi**

ODLUKU
o raspisivanju Konkursa za imenovanje
Općinskog javnog pravobranioca Općine Jablanica

I

Raspisat će se Konkurs za imenovanje Općinskog javnog pravobranioca Općine Jablanica, zbog isteka mandata općinskom javnom pravobraniocu Jasmini Košpo.

II

Konkurs će sprovesti Komisija u sljedećem sastavu:

1. Amela Muratović - predsjednik,
2. Aldin Širić - član,
3. Almir Čilić - član,
4. Sedina Halebić - član,
5. Belma Ćemić - član.

Zadatak Komisije iz prethodnog stava je da, u skladu sa odredbama Zakona o javnom pravobranilaštvu HNK i Zakona o ministarskim, vladinim i drugim imenovanjima FBiH, sastavi listu s užim izborom najboljih kandidata koji ispunjavaju kriterije za imenovanje i nakon obavljenog



intervjua sa kandidatima predložiti rang-listu sa najboljim kandidatima Općinskom načelniku na daljnje razmatranje.

Komisija će o svom radu voditi Zapisnik koji ostaje u predmetu.

III

Ova odluka stupa na snagu danom donošenja, a objaviće se u “Službenom glasniku općine Jablanica”.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK
Broj:01-07-580/22
Jablanica, 03.03.2022.g.

OPĆINSKI NAČELNIK
Damir Šabanović s.r.

Na osnovu člana 8. Zakona o ministarskim, vladinim i drugim imenovanjima FBiH („Službene novine FBiH“, br. 34/03), člana 29. Zakona o javnom pravobranilaštvu HNK („Službene novine HNK“, broj: 8/99,3/04 i 11/08), člana 41. Statuta Općine Jablanica (“Službeni glasnik Općine Jablanica”, broj: 2/09, 8/16 i 2/20), člana 18. Odluke o osnivanju Općinskog javnog pravobranilaštva (Službeni glasnik Općine Jablanica, broj 1/98, 2/00, 3/03, 4/05, 2/07 i 8/16) i Odluke Općinskog načelnika o raspisivanju Konkursa za imenovanje Općinskog javnog pravobranioca Općine Jablanica broj: 01-07-580-1/22 od 03.03.2022. godine, objavljuje se

KONKURS

za imenovanje Općinskog javnog pravobranioca Općine Jablanica

OPIS UPRAŽNJENJE POZICIJE: Općinski javni pravobranilac Općine Jablanica obavlja poslove pravne zaštite imovine i imovinskih interesa Općine Jablanica, njenih organa i drugih tijela koja se finansiraju iz općinskog Budžeta ili u odnosu na njih Općina obavlja osnivačka prava, daje pravna mišljenja u postupku donošenja opštih akata i drugih propisa kojim se uređuju imovinsko-pravni odnosi, zaštita vlasništva Općine Jablanica, upravlja radom Općinskog javnog pravobranilaštva, kao i druge poslove u skladu sa zakonom.

Kandidat mora ispunjavati sljedeće opće i posebne uslove:

I Opći uslovi:

1. da je stariji od 18 godina;
2. da je državljanin Bosne i Hercegovine;
3. da nije otpušten iz državne službe kao rezultat disciplinske mjere na bilo kom nivou u Bosni i Hercegovini, u periodu od tri godine prije dana objavljivanja upražnjene pozicije;
4. da nije pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine);
5. da nije osuđivan za krivično djelo odnosno da se protiv njega ne vodi krivični postupak za krivična djela koja ga čine nedostojnim dužnosti pravobranioca.

II Posebni uslovi:

1. završen pravni fakultet, VSS/VII stepen stručne spreme, diploma visokog obrazovanja, odnosno prvog (najmanje 240 ECTS bodova) drugog ili trećeg ciklusa Bolonjskog sistema studiranja pravne struke.



2. položen pravosudni ispit;
3. iskustvo u radu na imovinsko-pravnim poslovima u pravobranilaštvu, pravosudnim tijelima ili pravnim poslovima u drugim državnim tijelima, preduzećima i drugim pravnim licima u trajanju od najmanje dvije godine, koji je radeći u tim tijelima i pravnim licima stekao ugled pravnog stručnjaka i koji posjeduje najviše moralne osobine za obavljanje službe pravobranioca;
4. da nije član političke stranke niti sudionik u aktivnostima političkih stranaka;
5. ne smije vršiti drugu službu ili posao koji bi mogli uticati na njegovu samostalnost i nezavisnost, ili bi umanjivao njegov društveni ugled ili koji je inače nespojiv sa vršenjem dužnosti pravobranioca.

Općinskog javnog pravobranica imenuje Općinski načelnik uz saglasnost Općinskog vijeća, na period od 4 godine.

III Kandidati su dužni uz prijavu, koja sadrži biografiju sa adresom i kontakt telefonom, priložiti originalne dokumente ili ovjerene kopije dokumenata i to:

1. Uvjerenje o državljanstvu (ne starije od šest mjeseci);
2. Ovjerenu izjavu da nema smetnji iz tački 3. i 4. Općih uslova i tački 4. i 5. Posebnih uslova ovog konkursa (potpisana i ovjerena kod nadležnog organa);
3. Dokaz o završenoj stručnoj spremi traženoj javnim konkursom;
4. Uvjerenje o položenom pravosudnom ispitu;
5. Uvjerenje o radnom iskustvu u struci;
6. Uvjerenje o nekažnjavanju (ne starije od tri mjeseca);
7. Uvjerenje o nevođenju krivičnog postupka (ne starije od tri mjeseca).

Svi kandidati koji budu ispunjavali opće i posebne uslove bit će pozvani na intervju.

Napomena: Izabrani kandidat će biti dužan dostaviti uvjerenje o zdravstvenoj sposobnosti prije stupanja na dužnost.

Rok za podnošenje prijave je 15 dana od dana objavljivanja u Službenim novinama Federacije BiH.

Ovaj konkurs objaviće se u "Službenim novinama FBiH", dnevnom listu "Dnevni avaz", «Službenom glasniku Općine Jablanica» i Web stranici Općine Jablanica (www.jablanica.ba).

Kovertirane prijave sa traženom dokumentacijom, sa naznakom «**Konkurs za Općinskog javnog pravobranioca**» - **ne otvaraj**, podnose se lično putem Šalter sale ili šalju poštom preporučeno na adresu: Općina Jablanica, Općinski načelnik, ul. Pere Bilića 15, Jablanica.

Nepotpune i neblagovremene prijave neće se razmatrati.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK
Broj:01-07-580-1/22
Jablanica, 03.03.2022.g.

OPĆINSKI NAČELNIK
Damir Šabanović s.r.